

十三經註

0412
479
64



波
21
64

四
口
12
流
卷

東
學

春秋公羊傳

襄公

元年春王正月公即位

仲孫蔑會晉欒黶宋華元衛甯殖曹人莒人

邾婁人滕人薛人圍宋彭城傳宋華元曷為

與諸侯圍宋彭城為宋誅也其為宋誅奈何

春秋公羊 襄公

漢 何休 學
明 閔齊伋 裁註

錢文 邦
所 有

魚石走之楚楚為之伐宋取彭城以封魚石
魚石之罪奈何以入是為罪也楚已取之矣
曷為繫之宋不與諸侯專封也

魚石於成十五年初出之時直是與山有
親恐見及是以辟而去非其大罪也至成
十八年外託鄭楚之兵以伐取君邑遂居
彭城與君相拒失人臣之義故曰以入是
為罪

夏晉韓屈率師伐鄭

屈左穀作厥

仲孫蔑會齊崔杼曹人邾婁人杞人次于合

秋楚公子壬夫率師侵宋

九月辛酉天王崩

邾婁子來朝

冬衛侯使公孫剽來聘

晉侯使荀偃來聘

二年春王正月葬簡王

鄭師伐宋

夏五月庚申夫人姜氏薨

六月庚辰鄭伯踰卒

晉師宋師衛甯殖侵鄭

秋七月仲孫蔑會晉荀偃宋華元衛孫林父

曹人邾婁人于戚

己丑葬我小君齊姜傳齊姜者何齊姜與繆

姜則未知其為宣夫與成夫與

左氏謂齊姜為成夫人繆姜為宣夫人公

羊無聞故依違焉爾

叔孫豹如宋

冬仲孫蔑會晉荀偃齊崔杼宋華元衛孫林

父曹人邾婁人滕人薛人小邾婁人于戚遂

城虎牢傳虎牢者何鄭之邑也其言城之何

取之也取之則曷為不言取之為中國諱也

曷為為中國諱諱伐喪也曷為不繫乎鄭為

襄公羊

三晉與

中國諱也大夫無遂事此其言遂何歸惡乎大夫也

楚殺其大夫公子申

三年春楚公子嬰齊帥師伐吳

公如晉

夏四月壬戌公及晉侯盟于長檮公至自晉六月公會單子晉侯宋公衛侯鄭伯莒子邾婁子齊世子光己未同盟于雞澤

陳侯使袁僑如會傳其言如會何後會也

戊寅叔孫豹及諸侯之大夫及陳袁僑盟傳曷為殊及陳袁僑為其與袁僑盟也

陳鄭楚之與國陳侯有慕中國之心有疾使大夫會諸侯欲附疏不復備責遂與之盟其結和親故殊之起主為與袁僑盟也

秋公至自會

冬晉荀罃帥師伐許

四年春王三月己酉陳侯午卒

夏叔孫豹如晉

秋七月戊子夫人弋氏薨弋左藝

葬陳成公

八月辛亥葬我小君定弋傳定弋者襄公之母也

定弋莒女成公之妾

冬公如晉

陳人圍頓

五年春公至自晉

夏鄭伯使公子發來聘

叔孫豹鄆世子巫如晉傳外相如不書此何以書為叔孫豹率而與之俱也叔孫豹則曷為率而與之俱蓋舅出也莒將滅之故相與往殆乎晉也莒將滅之則曷為相與往殆乎晉取後乎莒也其取後乎莒奈何莒女有為

春秋公羊

襄公

五

晉古婁

鄆夫人者蓋欲立其出也

巫者鄆前夫人之子與魯襄公俱為莒外孫故曰昆出殆疑疑讞於晉齊人語時莒女嫁為鄆後夫人夫人無男有女還嫁之於莒有外孫鄆子愛後夫人而無子欲立其外孫書者善之雖揚父之惡救國之滅可也

仲孫蔑衛孫林父會吳于善稻

左穀作道

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾婁子滕子薛伯齊世子光吳人鄆人于戚傳吳何以稱人吳鄆人云則不辭

孔子曰言不順則事不成方以吳抑鄆國列在稱人上辭不順故進吳稱人

公至自會

晉火公羊襄公

六

晉左婁

冬成陳傳孰成之諸侯成之曷為不言諸侯
成之離至不可得而序故言我也

離至離別前後至也言我者以魯至時書

楚公子貞帥師伐陳公會晉侯宋公衛侯鄭
伯曹伯莒子邾婁子滕子薛伯齊世子光救
陳

十有二月公至自救陳

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅鄆

冬叔孫豹如邾婁

季孫宿如晉

十有二月齊侯滅萊傳曷為不言萊君出奔

齊火公羊

襄公

光

齊子其女

國滅君死之正也

七年春鄆子來朝

夏四月三卜郊不從乃免牲

小邾婁子來朝

城費

秋季孫宿如衛

八月蠲

冬十月衛侯使孫林父來聘壬戌及孫林父

盟

楚公子貞帥師圍陳

十有二月公會晉侯宋公陳侯衛伯曹伯莒

子邾婁子于鄆鄭伯髡原如會未見諸侯丙

戌卒于操傳操者何鄭之邑也諸侯卒其封

內不地此何以地隱之也何隱爾弑也孰弑

之其大夫弑之曷為不言其大夫弑之為中

國諱也曷為為中國諱鄭伯將會諸侯于鄆

下火公羊襄公

晉亡婁

其大夫諫曰中國不足歸也則不若與楚鄭伯曰不可其大夫曰以中國為義則伐我喪以中國為彊則不若楚於是弑之鄭伯髡原何以名傷而反未至于舍而卒也未見諸侯其言如會何致其意也

諸侯如會不名諸侯卒名於如會名之明如會時為大夫所傷以傷卒死也舍昨所舍止處

陳侯逃歸

八年春王正月公如晉

夏葬鄭僖公傳賊未討何以書葬為中國諱也

鄭人侵蔡獲蔡公子燮傳此侵也其言獲何侵而言獲者適得之也

季孫宿會晉侯鄭伯齊人宋人衛人邾婁人于邢邱

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

九年春宋火傳曷為或言災或言火大者曰

災小者曰火然則內何以不言火內不言火

者甚之也何以書記災也外災不書此何以

書為王者之後記災也

左穀作宋災

甚之也者春秋以內為天下法動作當先

自克責故小有火如大有災

夏季孫宿如晉

五月辛酉夫人姜氏薨

秋八月癸未葬我小君繆姜

繆左穀作穆

冬公會晉侯宋公衛侯曹伯莒子邾婁子滕

子薛伯杞伯小邾婁子齊世子光伐鄭十有

十

襄公

十

晉古婁

二月己亥同盟于戲

楚子伐鄭

十年春公會晉侯宋公衛侯曹伯莒子邾婁子滕子薛伯杞伯小邾婁子齊世子光會吳于柤夏五月甲午遂滅偃陽公至自會

楚公子貞鄭公孫輒帥師伐宋

晉師伐秦

秋莒人伐我東鄙

公會晉侯宋公衛侯曹伯莒子邾婁子齊世

子光滕子薛伯杞伯小邾婁子伐鄭

冬盜殺鄭公子斐公子發公孫輒

戍鄭虎牢傳孰戍之諸侯戍之曷為不言諸

侯戍之離至不可得而序故言我也諸侯已

取之矣曷為繫之鄭諸侯莫之主有故反繫

之鄭

楚公子貞帥師救鄭

春秋公羊襄公

公至自伐鄭

十有一年春王正月作三軍傳三軍者何三卿也作三軍何以書譏何譏爾古者上卿下卿上士下士

作三軍為軍置三卿官也古者諸侯有司徒司空上卿各一下卿各二司馬氏事省上下卿各一上士相上卿下士相下卿足以為治襄公委任疆臣國家內亂不推其

源乃益司馬作中卿官踰王制故譏之

夏四月四卜郊不從乃不郊

鄭公孫舍之帥師侵宋

公會晉侯宋公衛侯曹伯齊世子光莒子邾婁子滕子薛伯杞伯小邾婁子伐鄭秋七月己未同盟于京城北公至自伐鄭

楚子鄭伯伐宋

公會晉侯宋公衛侯曹伯齊世子光莒子邾

齊火公羊襄公

十三

宣公十一年

婁子滕子薛伯杞伯小邾婁子伐鄭會于蕭
魚德此伐鄭也其言會于蕭魚何蓋鄭與會
爾

中國以鄭故三年五起兵至是乃服其後
無干戈之患二十餘年故喜而詳錄其會
起得鄭為重也

公至自會

楚人執鄭行人良霄

冬秦人伐晉

十有二年春王三月莒人伐我東鄙圍台傳
邑不言圍此其言圍何伐而言圍者取邑之
辭也伐而不言圍者非取邑之辭也

季孫宿帥師救台遂入逆傳大夫無遂事此
其言遂何公不得為政爾

夏晉侯使士彭來聘

秋九月吳子乘卒

襄公

春秋傳

和

冬楚公子貞帥師侵宋

公如晉

十有三年春公至自晉

夏取詩傳詩者何邾婁之邑也曷為不繫乎

邾婁諱亟也詩左穀作邾

諱皆蕭魚之會亟

秋九月庚辰楚子審卒

冬城防

十有四年春王正月季孫宿叔老會晉士匄

齊人宋人衛人鄭公孫嚙曹人莒人邾婁人

滕人薛人杞人小邾婁人會吳于向

二月乙未朔日有食之

夏四月叔孫豹會晉荀偃齊人宋人衛北宮

結鄭公孫嚙曹人莒人邾婁人滕人薛人杞

人小邾婁人伐秦

己未衛侯衎出奔齊

齊人公羊襄公

十四

管

莒人侵我東鄙

秋楚公子貞帥師伐吳

冬季孫宿會晉士句宋華閱衛孫林父鄭公

孫囓莒人邾婁人于戚

十有五年春宋公使向戌來聘二月己亥及

向戌盟于劉

劉夏逆王后于齊傳劉夏者何天子之大夫

也劉者何邑也其稱劉何以邑氏也外逆女

不書此何以書過我也

夏齊侯伐我北鄙圍成公救成至遇傳其言

至遇何不敢進也

季孫宿叔孫豹帥師城成郭

秋八月丁巳日有食之

邾婁人伐我南鄙

冬十有一月癸亥晉侯周卒

十有六年春王正月葬晉悼公

葬火公羊襄公

三月公會晉侯宋公衛侯鄭伯曹伯莒子邾婁子薛伯杞伯小邾婁子于溴梁戊寅大夫盟傳諸侯皆在是其言大夫盟何信在大夫也何言乎信在大夫徧刺天下之大夫也曷為徧刺天下之大夫君若贅旒然

旒旒旒贅繫屬之辭若今俗名就塔為贅塔矣以旒旒喻者為下所執持東西就塔之為贅塔亦是妻所持挈故名之云爾

晉人執莒子邾婁子以歸

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍成

大雩

冬叔孫豹如晉

春秋公羊襄公

十有七年春王二月庚午邾婁子闚卒

宋人伐陳

夏衛石買帥師伐曹

秋齊侯伐我北鄙圍泲

齊高厚帥師伐我北鄙圍防

九月大雩

宋華臣出奔陳

冬邾婁人伐我南鄙

十有八年春白狄來傳白狄者何夷狄之君也何以不言朝不能朝也

夏晉人執衛行人石買

秋齊師伐我北鄙冬十月公會晉侯宋公衛

侯鄭伯曹伯莒子邾婁子滕子薛伯杞伯小

邾婁子同圍齊曹伯負芻卒于師

楚公子午帥師伐鄭

十有九年春王正月諸侯盟于祝阿晉人執

春火公羊

襄公

十七

晉人執

邾婁子

公至自伐齊傳此同圍齊也何以致伐未圍齊也未圍齊則其言圍齊何抑齊也曷為抑齊為其亟伐也或曰為其驕蹇使其世子處乎諸侯之上也

取邾婁田自澗水傳其言自澗水何以澗為竟也何言乎以澗為竟澗移也

魯本與邾婁以澗為竟澗移入邾婁界魯

隨而有之當坐取邑

季孫宿如晉

葬曹成公

夏衛孫林父帥師伐齊

秋七月辛卯齊侯瑗卒

晉士匄帥師侵齊至穀聞齊侯卒乃還傳還者何善辭也何善爾大其不伐喪也此受命乎君而伐齊則何大乎其不伐喪大夫以君

春秋左傳襄公

十六

信

命出進退在大夫也

兵不從中御外臨事制宜當敵為師唯義

所在

八月丙辰仲孫蔑卒

齊殺其大夫高厚

鄭殺其大夫公子喜左穀作嘉

冬葬齊靈公

城西郭

叔孫豹會晉士匄于柯

城武城

二十年春王正月辛亥叔孫遯會莒人盟于

向

夏六月庚申公會晉侯齊侯宋公衛侯鄭伯

曹伯莒子邾婁子滕子薛伯杞伯小邾婁子

盟于澶淵

秋公至自會

春火公羊

襄公

卷不傳

和丁林

仲孫遨帥師伐邾婁

蔡殺其大夫公子燮蔡公子履出奔楚

陳侯之弟光出奔楚

叔老如齊

冬十月丙辰朔日有食之

季孫宿如宋

二十有一年春王正月公如晉

邾婁庶其以漆閭邱來奔傳邾婁庶其者何

邾婁大夫也邾婁無大夫此何以書重地也

閭力於反

惡受叛臣邑故重而書之

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

春秋公羊

襄公

二十

晉二其女

公會晉侯齊侯宋公衛侯鄭伯曹伯莒子邾婁子于商任

十有一月庚子孔子生

左氏經無此句則公羊從後記之又本無

此句

二十有二年春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾婁子滕子薛伯杞伯小邾婁子于沙隨公至自會

楚殺其大夫公子追舒

二十有三年春王二月癸酉朔日有食之

三月己巳杞伯旬卒

夏邾婁鼻我來奔傳邾婁鼻我者何邾婁大夫也邾婁無大夫此何以書以近書也

公羊

襄公

三

信丁婁

以奔無他義知以治近升平書也所傳聞世見治始起外諸夏錄大略小大國有大夫小國略稱人所聞之世內諸夏治小如大虞虞近升平故小國有大夫治之漸也見於邾婁者自近始也正以地接於魯故先治之也獨舉一國者時亂實未有大夫治亂不失其實故取足張法而已

葬祀孝公

陳殺其大夫慶虎及慶寅

陳侯之弟光自楚歸于陳

晉欒盈復入于晉入于曲沃傳曲沃者何晉

之邑也其言入于晉入于曲沃何欒盈將入

晉晉人不納由乎曲沃而入也

秋齊侯伐衛遂伐晉八月叔孫豹帥師救晉

次于雍榆傳曷為先言救而後言次先通君

命也

己卯仲孫遯卒

冬十月乙亥臧孫紇出奔邾婁

晉人殺欒盈傳曷為不言殺其大夫非其大

夫也

齊侯襲莒

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾婁子

滕子薛伯杞伯小邾婁子于陳儀

冬楚子蔡侯陳侯許男伐鄭

公至自會

齊火公羊襄公

三

晉與婁

春秋傳

陳鍼宜咎出奔楚

叔孫豹如京師

大饑

二十有五年春齊崔杼帥師伐我北鄙

夏五月乙亥齊崔杼弑其君光

公會晉侯宋公衛侯鄭伯曹伯莒子邾婁子

滕子薛伯杞伯小邾婁子于陳儀

六月壬子鄭公孫舍之帥帥入陳

秋八月己巳諸侯同盟于重邱

公至自會

衛侯入于陳儀傳陳儀者何衛之邑也曷為

不言入于衛諉君以弑也

時衛侯為剽所篡逐不能以義自復詐願

居是邑為剽臣然後侯問伺便使甯喜弑

之君子恥其所為故就為臣以諉君惡之

楚屈建帥師滅舒鳩

齊火公羊

襄公

三

管古婁

冬鄭公孫嚙帥師伐陳

十有二月吳子謁伐楚門于巢卒傳門于巢卒者何入門乎巢而卒也入門乎巢而卒者何入巢之門而卒也吳子謁何以名傷而反未至乎舍而卒也

以名卒開無事知以傷辜死義見七年鄭伯髡原如會傳吳子欲伐楚過巢不假塗卒暴人巢門門者以為欲犯巢而射殺之

據諸侯伐人不名以伐楚而書名門于巢

而言卒其閒更無事知以傷之故傷辜而死是以還就於伐而書其名為卒張本文

云伐名知傷而反卒繫巢知未還至舍

二十有六年春王二月辛卯衛甯喜弑其君

剽衛孫林父入于戚以叛

甲午衛侯衎復歸于衛傳此諉君以弑也其

言復歸何惡剽也曷為惡剽剽之立於是未

春秋傳
有說也然則曷為不言剽之立不言剽之立者以惡衛侯也

傳云復歸者出惡歸無惡故問言復歸何也主惡剽衛侯入無惡則剽惡明矣凡篡立皆緣親親也剽以公孫立於是位尤非其次衛人未有說喜由此得成護禍故惡剽以為戒也欲起衛侯失眾出奔故不書立剽立無惡則衛侯惡明矣

夏晉侯使荀吳來聘

公會晉人鄭良霄宋人曹人于澶淵

秋宋公殺其世子痤

晉人執衛甯喜傳此執有罪何以不得為伯討不以其罪執之也

八月壬午許男甯卒于楚

冬楚子蔡侯陳侯伐鄭

葬許靈公

春秋公羊襄公
二十六 晉古婁

二十有七年春齊侯使慶封來聘

夏叔孫豹會晉趙武楚屈建蔡公孫歸生衛

石惡陳孔瑗鄭良霄許人曹人于宋

衛殺其大夫甯喜衛侯之弟鱣出奔晉傳衛

殺其大夫甯喜則衛侯之弟鱣曷為出奔晉

為殺甯喜出奔也曷為為殺甯喜出奔衛甯

殖與孫林父逐衛侯而立公孫剽甯殖病將

死謂喜曰黜公者非吾意也孫氏為之我即

死女能固納公乎喜曰諾甯殖死喜立為大

夫使人謂獻公曰黜公者非甯氏也孫氏為

之吾欲納公何如獻公曰子苟納我吾請與

子盟喜曰無所用盟請使公子鱣約之獻公

謂公子鱣曰甯氏將納我吾欲與之盟其言

曰無所用盟請使公子鱣約之子固為我與

之約矣公子鱣辭曰夫負羈紲執鈇鑕從君

東西南北則是臣僕庶孽之事也若夫約言

齊火公羊襄公

二十七

齊公羊

為信則非臣僕庶孽之所敢與也獻公怒曰
 黜我者非甯氏與孫氏凡在爾公子鱒不得
 已而與之約已約歸至殺甯喜公子鱒挈其
 妻子而去之將濟于河攜其妻子而與之盟
 曰苟有履衛地食衛粟者昧雉彼視為殺之為去聲
女同汝繫音執續音質從與並去聲昧勿同又音末
 固猶必也繫馬絆也庶孽眾賤子猶樹之
 有孽生昧割也時割雉以為盟猶曰視彼

割雉負此則則如彼矣

秋七月辛巳豹及諸侯之大夫盟于宋傳曷
 為再言豹殆諸侯也曷為殆諸侯為衛石惡
 在是也曰惡人之徒在是矣

殆危也危諸侯故再出豹懼錄之衛侯術
 不信而使惡臣石惡來故深為諸侯危懼
 其將負約

冬十有二月乙亥朔日有食之

春秋公羊

襄公

二十六

卷之四

二十有八年春無冰

夏衛石惡出奔晉

邾婁子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

乙未楚子昭卒

二十有九年春王正月公在楚傳何言乎公在楚正月以存君也

存君義見莊元年傳

夏五月公至自楚

庚午衛侯行卒

闞弒吳子餘祭傳闞者何門人也刑人也刑人則曷為謂之闞刑人非其人也君子不近

齊人公羊

襄公

三十九

晉下樓

刑人近刑人則輕死之道也

以刑人為罰非其人矣故變盜言闕

仲孫羯會晉荀盈齊高止宋華定衛世叔齊

鄭公孫段曹人莒人邾婁人滕人薛人小邾

婁人城杞

晉侯使士鞅來聘

杞子來盟

吳子使札來聘傳吳無君無大夫此何以有

有大夫賢季子也何賢乎季子讓國也其

讓國奈何謁也餘祭也夷昧也與季子同母

有四季子弱而才兄弟皆愛之同欲立之以

為君謁曰今若是迫而與季子國季子猶不

受也請無與子而與弟弟兄迭為君而致國

乎季子皆曰諾故諸為君者皆輕死為勇飲

食必祝曰天苟有吳國尚速有悔於予身故

謁也死餘祭也立餘祭也死夷昧也立夷昧

春秋

公羊

襄公

三十

晉左婁

也死則國宜之季子者也季子使而亡焉僚者長庶也即之季子使而反至而君之爾闔廬曰先君之所以不與子國而與弟者凡為季子故也將從先君之命與則國宜之季子者也如不從先君之命與則我宜立者也僚惡得為君乎於是使專諸刺僚而致國乎季子季子不受曰爾殺吾君吾受爾國是吾與爾為篡也爾殺吾兄吾又殺爾是父子兄弟

相殺終身無已也去之延陵終身不入吳國故君子以其不受為義以其不殺為仁賢季子則吳何以有君有大夫以季子為臣則宜有君者也札者何吳季子之名也春秋賢者不名此何以名許夷狄者不壹而足也季子者所賢也曷為不足乎季子許人臣者必使臣許人子者必使子也

進起也倉卒意悔咎也闔廬謁之長子光

也壹而足義見文九年冬楚子使椒來聘
 傳不壹而足故降字而名必使臣必使子
 者緣臣子尊榮莫不欲與君父共之字季
 子則遠其君夷狄常例離君父辭故不足
 以隆父子之親厚君臣之義矣餘祭死在
 今年夏夷昧立在明年夏夷昧死在昭十
 五年春闔廬殺僚在昭二十七年夏季子
 讓在殺僚後豫於此賢之者移諱於闔廬

不可以見讓故復因聘起其事

秋九月葬衛獻公

齊高止出奔北燕

冬仲孫羯如晉

三十年春王正月楚子使薳頗來聘

夏四月蔡世子般弑其君固

五月甲午宋災伯姬卒

天王殺其弟年夫

春火分羊襄公

王子瑕奔晉

秋七月叔弓如宋葬宋共姬傳外夫人不書葬此何以書隱之也何隱爾宋災伯姬卒焉其稱諡何賢也何賢爾宋災伯姬存焉有司復曰火至矣請出伯姬曰不可吾聞之也婦人夜出不見傅母不下堂傅至矣母未至也逮乎火而死

一夜出謂有事宗廟禮后夫人必有傅母所

以輔正其行衛其身也選老大夫為傅選

老大夫妻為母

鄭良霄出奔許自許入于鄭鄭人殺良霄

冬十月葬蔡景公傳賊未討何以書葬君子

辭也

君子為中國諱

晉人齊人宋人衛人鄭人曹人莒人邾婁人

滕人薛人杞人小邾婁人會于澶淵宋災故

春秋公羊襄公

三

齊桓公

春秋傳

和子林

德宋災故者何諸侯會于澶淵凡為宋災故
也會未有言其所為者此言所為何錄伯姬
也諸侯相聚而更宋之所喪曰死者不可復
生爾財復矣此大事也曷為使微者卿也卿
則其稱人何貶曷為貶卿不得憂諸侯也

更復也今俗名解浣衣復之為更衣

三十有一年春王正月

夏六月辛巳公薨于楚宮

秋九月癸巳子野卒

己亥仲孫羯卒

冬十月滕子來會葬癸酉葬我君襄公
十有一月莒人弑其君密州

春秋公羊

襄公

三十四

卷之七

春秋公羊傳襄公終

春秋公羊傳

漢何休學

明閔齊伋裁註

昭公

元年春王正月公即位

叔孫豹會晉趙武楚公子圍齊國酌宋向戌

衛石惡陳公子招蔡公孫歸生鄭軒虎許人

曹人于澠傳此陳侯之弟招也何以不稱弟

春秋公羊

昭公

一

傳

貶曷為貶為殺世子偃師貶曰陳侯之弟招殺陳世子偃師大夫相殺稱人此其稱名氏以殺何言將自是弑君也今將爾詞曷為與親弑者同君親無將將而必誅焉然則曷為不於其弑焉貶以親者弑然後其罪惡甚春秋不待貶絕而罪惡見者不貶絕以見罪惡也貶絕然後罪惡見者貶絕以見罪惡也今招之罪已重矣曷為復貶乎此著招之有罪

也何著乎招之有罪言楚之託乎討招以滅

陳也

酌左穀作弱石左穀作齊軒左穀作罕灑左作號穀作郭

殺偃師此八年事舉八年經文據殺偃師

猶不貶也世子者君之副貳今而殺之明

其從是以後有弑君之心故稱其名氏不

作兩下相殺辭矣欲弑君故令與弑君而

立者同文

三月取運傳運者何內之邑也其言取之何

春秋

昭公

二

管子

不聽也

不聽者叛也

夏秦伯之弟鍼出奔晉傳秦無大夫此何以書仕諸晉也曷為仕諸晉有千乘之國而不能容其母弟故君子謂之出奔也

仕諸晉也者為仕之於晉書也弟賢當任用之不肖當安處之乃仕之他國與逐之無異故云出奔

六月丁巳邾婁子華卒

晉荀吳帥師敗狄于大原傳此大鹵也曷為謂之大原地物從中國邑人名從主人原者何上平曰原下平曰隰原左作鹵

百史文及夷狄之人皆謂之大鹵而今經與師讀皆謂之大原故難之地物從中國者以中國形名言之所以曉中國教殊俗也此地形勢高大而廣平故謂之大原云

春秋公羊昭公

三 晉古婁

邑人名從主人者不若地物有形名可得
正故從夷狄辭言之

秋莒去疾自齊入于莒

莒展奔吳

左作展輿

叔弓帥師疆運田傳疆運田者何與莒為竟也與莒為竟則曷為帥師而往畏莒也

與莒為竟若言與莒人造作竟界

葬邾婁悼公

冬十有一月己酉楚子卷卒

楚公子比出奔晉

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復傳其言至河乃復何不敢進也

季孫宿如晉

春秋公羊昭公

四 晉子婁

三年春王正月丁未滕子泉卒

泉左穀作原

夏叔弓如滕五月葬滕成公

秋小邾婁子來朝

八月大雩

冬大雨雹

北燕伯款出奔齊

四年春王正月大雨雪

夏楚子蔡侯陳侯鄭伯許男徐子滕子頓子

胡子沈子小邾婁子宋世子佐淮夷會于申

楚人執徐子

秋七月楚子蔡侯陳侯許男頓子胡子沈子

淮夷伐吳執齊慶封殺之傳此伐吳也其言

執齊慶封何為齊誅也其言齊誅奈何慶封

走之吳吳封之於防然則曷為不言伐防不

與諸侯專封也慶封之罪何脅齊君而亂齊

國也

春秋傳

遂滅厲左作賴

稽古樓

九月取鄆傳其言取之何滅之也滅之則其言取之何內大惡諱也

冬十有二月乙卯叔孫豹卒

五年春王正月舍中軍傳舍中軍者何復古也然則曷為不言三卿五亦有中三亦有中

此解襄十一年作三軍意作時益中軍不言中軍者五亦有中三亦有中不知何中

也今此据上作三軍不言中則益三之中

舍三之中皆可知也

楚殺其大夫屈申

公如晉

夏莒牟夷以牟婁及防茲來奔傳莒牟夷者何莒大夫也莒無大夫此何以書重地也其言及防茲來奔何不以私邑累公邑也

累次也義不可使臣邑與君邑相次序故

春秋公羊

六

言及以絕之

秋七月公至自晉

戊辰叔弓帥師敗莒師于濇泉傳濇泉者何直泉也直泉者何涌泉也

蓋戰而涌為異也

秦伯卒傳何以不名秦者夷也匿嫡之名也其名何嫡得之也

匿嫡之名者嫡子生以不名命於四竟擇

勇猛者而立之其名何者据秦伯瑩秦伯

稻名獨瑩稻以嫡得立也

冬楚子蔡侯陳侯許男頓子沈子徐人越人伐吳

六年春王正月杞伯益姑卒

葬秦景公

夏季孫宿如晉

葬杞文公

春秋公羊昭公

七 晉左傳

宋華合比出奔晉

秋九月大雩

楚遠顛帥師伐吳

冬叔弓如楚

齊侯伐北燕

七年春王正月暨齊平

三月公如楚

叔孫舍如齊蒞盟

夏四月甲辰朔日有食之

秋八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公

八年春陳侯之弟招殺陳世子偃師

夏四月辛丑陳侯溺卒

叔弓如晉

昭公

春秋傳

和古本

楚子執陳行人干徵師殺之

陳公子留出奔鄭

秋蒐于紅傳蒐者何簡車徒也何以書蓋以

罕書也

陳人殺其大夫公子過

大雩

冬十月壬午楚師滅陳執陳公子招放之于

越殺陳孔瑗

葬陳哀公

九年春叔弓會楚子于陳

許遷于夷

夏四月陳火傳陳已滅矣其言陳火何存陳

也曰存陳悌矣曷為存陳滅人之國執人之

罪人殺人之賊葬人之君若是則陳存悌矣

書火以存陳者若曰陳為天所存悲之罪

人招也孔瑗弑君賊也

春秋公羊

昭公

九

管子

春秋傳

秋仲孫矍如齊

冬築郎囿

十年春王正月

夏晉欒施來奔

秋七月季孫隱如叔弓仲孫矍帥師伐莒

戊子晉侯彪卒

九月叔孫舍如晉葬晉平公

十有二月甲子宋公戌卒

和古樓

十有一年春正月叔弓如宋葬宋平公

夏四月丁巳楚子虔誘蔡侯般殺之于申

楚子虔何以名絕曷為絕之為其誘討也此

討賊也雖誘之則曷為絕之懷惡而討不義

君子不予也

般弑父而立使不自知而死故加誘左氏

傳云醉而殺之是也

楚公子棄疾帥師圍蔡

春秋

昭公

十

魯

春秋傳

五月甲申夫人歸氏薨

和古傳

大蒐于比蒲傳大蒐者何簡車徒也何以書蓋以罕書也

仲孫貜會邾婁子盟于侵羊

秋季孫隱如會晉韓起齊國酌宋華亥衛北

宮佗鄭軒虎曹人杞人于屈銀隱左執作意

九月己亥葬我小君齊歸傳齊歸者何昭公之母也

歸氏胡女襄公夫人初至不書蓋為世子

時娶

冬十有一月丁酉楚師滅蔡執蔡世子有以歸用之傳此未踰年之君也其稱世子何不君靈公不成其子也不君靈公則曷為不成其子誅君之子不立非怒也無繼也惡乎用之用之防也其用之防奈何蓋以築防也有穀

友作

春秋公羊昭公

十一 魯古婁

靈公即般坐弑父誅不得為君也怒遷怒義見莊四年傳無繼者父誅子當絕也用之防持其足以頭築防也惡不以道

十有二年春齊高偃帥師納北燕伯于陽傳伯于陽者何公子陽生也子曰我乃知之矣在側者曰子苟知之何以不革曰如爾所不知何春秋之信史也其序則齊桓晉文其會則主會者為之也其詞則邱有罪焉爾

子謂孔子乃乃是歲也時孔子年二十三具知其事後作春秋案史記知公誤為伯子誤為于陽在生刊革更也唯齊桓晉文會能以德優劣國大小相次序非齊桓晉文則知主會者為之雖優劣大小相越不改更信史也其貶絕譏刺之辭有所失者是邱之罪聖人德盛尚謙故云爾

三月壬申鄭伯嘉卒

春秋公羊昭公

十三

晉書

春秋傳

利古樓

夏宋公使華定來聘

公如晉至河乃復

五月葬鄭簡公

楚殺其大夫成然

秋七月

冬十月公子整出奔齊

整左穀作憇

楚子伐徐

晉伐鮮虞

十有三年春叔弓帥師圍費

夏四月楚公子比自晉歸于楚弑其君虔于

乾谿傳此弑其君其言歸何歸無惡於弑立

也歸無惡於弑立者何靈王為無道作乾谿

之臺三年不成楚公子棄疾脅比而立之然

後令于乾谿之役曰比已立矣後歸者不得

復其田里眾罷而去之靈王經而死

歸者出入無惡之文今君弑而言歸故難

春秋公羊

昭公

十三

宣下其

之比本無弑君而立之意所以書其歸者正以弑虐之時比無惡也

楚公子棄疾弑公子比傳比已立矣其稱公子何其意不當也其意不當則曷為加弑焉爾比之義宜乎效死不立大夫相殺稱人此其稱名氏以弑何言將自是為君也

二十三年秋尹氏立王子朝尹氏貶于朝不貶者年未滿十歲未知欲富貴不當坐

然則子朝之意與此相似子朝不貶而比加弑故難之也將自是為君故使與弑君而立者同文

秋公會劉子晉侯齊侯宋公衛侯鄭伯曹伯莒子邾婁子滕子薛伯杞伯小邾婁子于平邱八月甲戌同盟于平邱公不與盟晉人執季孫隱如以歸公至自會傳公不與盟者何公不見與盟也公不見與盟大夫執何以致

會不恥也曷為不恥諸侯遂亂反陳蔡君子不恥不與焉

諸侯將征棄疾棄疾乃封陳蔡之君使說諸侯諸侯從陳蔡之君言還反不復討楚楚亂遂成故云爾

蔡侯廬歸于蔡陳侯吳歸于陳傳此皆滅國也其言歸何不與諸侯專封也
冬十月葬蔡靈公

公如晉至河乃復

吳滅州來

十有四年春隱如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

春秋公羊昭公

春秋傳

和古禮

十有五年春王正月吳子夷昧卒

二月癸酉有事于武宮籥入叔弓卒去樂卒

事禮其言去樂卒事何禮也君有事于廟聞

大夫之喪去樂卒事大夫聞君之喪攝主而

往大夫聞大夫之喪尸事畢而往

卒事畢竟祭事也主謂已主祭者攝行主

事而往不廢祭者古禮也禮大夫祭謂之

賓尸尸事畢而往賓尸事畢而往也

夏蔡昭吳奔鄭

六月丁巳朔日有食之

秋晉荀吳帥師伐鮮虞

冬公如晉

十有六年春齊侯伐徐

楚子誘戎曼子殺之**傳**楚子何以不名夷狄

相誘君子不疾也曷為不疾若不疾乃疾之

也

春秋公羊 昭公

十六 晉石渠

以為固當然者乃所以為惡也

夏公至自晉

秋八月己亥晉侯夷卒

九月大雩

季孫隱如如晉

冬十月葬晉昭公

十有七年春小邾婁子來朝

夏六月甲戌朔日有食之

秋邾子來朝

八月晉荀吳帥師滅賁渾戎

冬有星孛于大辰傳孛者何彗星也其言于

大辰何在大辰也大辰者何大火也大火為

大辰伐為大辰北辰亦為大辰何以書記異

也

三孛皆發問者或言入或言于或言方嫌

為字異猶問錄之大火謂心也伐謂參伐

春秋公羊昭公

十七

晉書

也伐在參旁與參連體而六星故言參伐
伐與參為一候故也大火與伐天所以示
民時早晚天下所取正故謂之大辰辰時
也北辰北極天之中也常居其所迷惑不
知東西者須視北辰以別心伐所在故加
亦亦者兩相須之意

楚人及吳戰于長岸傳詐戰不言戰此其言
戰何敵也

俱無勝負不可言敗故言戰

十有八年春王三月曹伯須卒

夏五月壬午宋衛陳鄭災傳何以書記異也
何異爾異其同日而俱災也外異不書此何
以書為天下記異也

六月邾婁人入郟

秋葬曹平公

冬許遷于白羽

春秋公羊昭公

春秋傳

十有九年春宋公伐邾婁

夏五月戊辰許世子止弑其君買

已卯地震

秋齊高發帥師伐莒

冬葬許悼公傳賊未討何以書葬不成于弑

也曷為不成于弑止進藥而藥殺也止進藥

而藥殺則曷為加弑焉爾譏子道之不盡也

其譏子道之不盡奈何曰樂正子春之視疾

也復加一飯則脫然愈復損一飯則脫然愈

復加一衣則脫然愈復損一衣則脫然愈止

進藥而藥殺是以君子加弑焉爾曰許世子

止弑其君買是君子之聽止也葬許悼公是

君子之赦止也赦止者免止之罪辭也

時悼公病止進藥悼公飲藥而死也樂正

子春曾子弟子脫然疾除貌言消息得其

節也聽止者聽治止罪赦止者原止本欲

春秋公羊昭公

十九

信古樓

愈父之病無害父之意故赦之

二十年春王正月

夏曹公孫會自鄭出奔宋傳奔未有言自者此其言自何畔也畔則曷為不言其畔為公子喜時之後諱也春秋為賢者諱何賢乎公子喜時讓國也其讓國奈何曹伯廬卒于師則未知公子喜時從與公子負芻從與或為主于國或為主于師公子喜時見公子負芻

之當主也逡巡而退賢公子喜時則曷為為會諱君子之善善也長惡惡也短惡惡止其身善善及子孫賢者子孫故君子為之諱也

鄭音夢
穀作夢

曹伯廬卒在成十三年喜時曹伯廬弟負芻喜時庶兄古者諸侯師出世子率輿守國次宜為君者持棺絮從所以備不虞或時疾病相代行本史文不具故傳疑之

春秋傳

稽古樓

秋盜殺衛侯之兄輒傳母兄稱兄何以不

立有疾也何疾爾惡疾也
冬十月宋華亥向甯華定出奔陳
十有一月辛卯蔡侯廬卒

二十有一年春王三月葬蔡平公
夏晉侯使士鞅來聘

宋華亥向甯華定自陳入于宋南里以畔傳
宋南里者何若曰因諸者然

因諸者齊故刑人之地公羊子齊人故以

齊喻也周曰囹圄齊曰因諸

秋七月壬午朔日有食之

八月乙亥叔痤卒

冬蔡侯朱出奔楚

公如晉至河乃復

二十有二年春齊侯伐莒

宋華亥向甯華定自宋南里出奔楚

昭公

三

晉書

春秋傳

大蒐于昌茲

禮古禮

夏四月乙丑天王崩六月叔鞅如京師葬景王

王室亂傳何言乎王室亂言不及外也

宮謂之室刺周室之微邪庶並篡無諸侯之助匹夫之救如一家之亂也變京師成周言王室者正王以責諸侯也

劉子單子以王猛居于皇傳其稱王猛何當

國也

未踰年當稱子時欲當王者位故稱王猛見當國也

秋劉子單子以王猛入于王城傳王城者何西周也其言入何篡辭也

時雖不入成周已得京師地半稱王置官自號西周不言西周者正無二京師也春秋之義立納入皆為篡辭故此謂人為篡

春秋公羊昭公

三十一 晉古書

辭矣

冬十月王子猛卒傳此未踰年之君也其稱王子猛卒何不與當也不與當者不與當父死子繼兄死弟及之辭也

据子卒不言名外未踰年君不當卒故問也春秋篡成者皆與使當君之父死子繼兄死弟及者篡所緣得位成爲君辭也猛未悉得京師未得成王又外未踰年君三

者皆不當卒又各者非與使當成爲君也

十有二月癸酉朔日有食之

二十有三年春王正月叔孫舍如晉

癸丑叔鞅卒

晉人執我行人叔孫舍

晉人圍郊傳郊者何天子之邑也曷爲不繫

于周不與伐天子也

春秋公羊昭公

夏六月蔡侯東國卒于楚

秋七月莒子庚與來奔

戊辰吳敗頓胡沈蔡陳許之師于雞父胡子
髡沈子楹滅獲陳夏齧傳此偏戰也曷為以
詐戰之辭言之不與夷狄之主中國也然則
曷為不使中國主之中國亦新夷狄也其言
滅獲何別君臣也君死于位曰滅生得曰獲
大夫生死皆曰獲不與夷狄之主中國則其

言獲陳夏齧何吳少進也

夏戶雅反
齧五結反

春秋之例偏戰者曰詐戰者月今此書日
而從詐戰辭言敗故問之也序上言戰別
客主人直不直也主人直則主序上若客
直則客序上今吳人序其上而言戰則是
吳人為主中國之辭不得言戰直言敗而
已故曰不與夷狄之主中國也中國所以
異於夷狄者以其能尊尊也王室亂莫肯

救君臣上下壞亂亦新有夷狄之行故不使主之吳能結日偏戰行少進故從中國辭治之言獲也

天王居于狄泉傳此未三年其稱天王何著有天子也

時庶孽並篡天王失位徙居微弱甚故急著正其號明天下當救其難而事之

尹氏立王子朝

八月乙未地震

冬公如晉至河公有疾乃復傷何言乎公有疾乃復殺恥也

因有疾以殺畏晉之恥

二十有四年春王二月丙戌仲孫矍卒

叔孫舍至自晉

夏五月乙未朔日有食之

秋八月大雩

春火公羊

昭公

孟

宣

春秋傳

丁酉杞伯鸛釐卒

稽古樓

冬吳滅巢

葬杞平公

二十有五年春叔孫舍如宋

夏叔倪會晉趙鞅宋樂世心衛北宮喜鄭游

吉曹人邾婁人滕人薛人小邾婁人于黃父

世左穀作太

有鸛鶴來巢傳何以書記異也何異爾非中

國之禽也宜穴又巢也

鸛音權

宜穴反巢者自下居上之徵

秋七月上辛大雩季辛又雩傳又雩者何又

雩者非雩也聚眾以逐季氏也

九月己亥公孫于齊次于揚州齊侯唁公于

野井傳唁公者何昭公將弑季氏告子家駒

曰季氏為無道僭於公室久矣吾欲弑之何

如子家駒曰諸侯僭於天子大夫僭於諸侯

春秋傳

昭公

管古樓

久矣昭公曰吾何僭矣哉子家駒曰設兩觀乘大路朱干玉戚以舞大夏八佾以舞大武此皆天子之禮也且夫牛馬維婁委已者也而柔焉季氏得民眾久矣君無多辱焉昭公不從其言終弑而敗焉走之齊齊侯唁公于野井曰奈何君去魯國之社稷昭公曰喪人不佞失守魯國之社稷執事以羞再拜顙慶子家駒曰慶子免君於大難矣子家駒曰臣

不佞陷君於大難君不忍加之以鈇鑕賜之以死再拜顙高子執箠食與四脰脯國子執壺漿曰吾寡君聞君在外餒饗未就敢致糗于從者昭公曰君不忘吾先君延及喪人錫之以大禮再拜稽首以衽受高子曰有夫不祥君無所辱大禮昭公蓋祭而不嘗景公曰寡人有不腆先君之服未之敢服有不腆先君之器未之敢用敢以請昭公曰喪人不佞

矢守魯國之社稷執事以羞敢辱大禮敢辭
 景公曰寡人有不腆先君之服未之敢服有
 不腆先君之器未之敢用敢固以請昭公曰
 以吾宗廟之在魯也有先君之服未之能以
 服有先君之器未之能以出敢固辭景公曰
 寡人有不腆先君之服未之敢服有不腆先
 君之器未之敢用請以饗乎從者昭公曰喪
 人其何稱景公曰孰君而無稱昭公於是噉

然而哭諸大夫皆哭既哭以人為菑以幣為

席以鞶為几以遇禮相見孔子曰其禮與其

辭足觀矣喪音呂己音紀喪難從並去聲
 鉄音甫食音嗣噉同叫辭音覓

傳言弑者從昭公之辭昭公素畏季氏意

者以為如人君故言弑禮天子外闕兩觀

諸侯內闕一觀大夏夏樂也繫馬曰維繫

牛曰婁季氏專賞罰得民眾之心已久民

順從之猶牛馬之於委食已者恐民必不

從君命也弔亡國曰唁類猶今叩頭慶賀也餽熟食饗熟肉糗脯也有夫不祥猶曰人皆有夫不善也行禮賓主當各有所稱時齊侯以諸侯遇禮接昭公昭公自謙失國不敢以故稱自稱故執謙問之執君而無稱猶曰誰為君者而言無所稱乎噉然哭聲感景公言而自傷也菑周埒垣也所以分別內外衛威儀也幣車覆笭即式也

其禮與其辭足觀矣言昭公素能若此禍不至是

冬十月戊辰叔孫舍卒

十有一月己亥宋公佐卒于曲棘傳曲棘者何宋之邑也諸侯卒其封內不地此何以地憂內也

時宋公聞昭公見逐欲憂納之至曲棘而卒故恩錄

十有二月齊侯取運傳外取邑不書此何以書為公取之也

二十有六年春王正月葬宋元公

三月公至自齊居于運

夏公圍成

秋公會齊侯莒子邾婁子杞伯盟于剡陵公至自會居于運

九月庚申楚子居卒

冬十月天王入于成周傳成周者何東周也其言人何不嫌也

王猛自號王城為西周天下因謂成周為東周据入者篡辭上有天王之文下雖言人不嫌為篡入者起其難也

尹氏召伯毛伯以王子朝奔楚

二十有七年春公如齊公至自齊居于運

夏四月吳弑其君僚

春秋公羊昭公

三十一

楚殺其大夫郤宛

秋晉士鞅宋樂祁犁衛北宮喜曹人邾婁人
滕人會于扈

冬十月曹伯午卒

邾婁快來奔傳邾婁快者何邾婁之大夫也
邾婁無大夫此何以書以近書也

說與鼻我同義

公如齊公至自齊居于蓮

二十有八年春王正月葬曹悼公

公如晉次于乾侯

夏四月丙戌鄭伯甯卒

六月葬鄭定公

秋七月癸巳滕子甯卒

冬葬滕悼公

二十有九年春公至自乾侯居于蓮

齊侯使高張來唁公

春秋公羊昭公

三

管古婁

春秋傳

公如晉次于乾侯

夏四月庚子叔倪卒

秋七月

冬十月運潰傳邑不言潰此其言潰何郭之

也曷為郭之君存焉爾

郭郭郭也郭之猶曰國之但古今異語也

國曰潰邑曰叛公居之故從國言也不言

國之言郭之者公失國也

三十年春王正月公在乾侯

夏六月庚辰晉侯去疾卒

秋八月葬晉頃公

冬十有二月吳滅徐徐子章禹奔楚

三十有一年春王正月公在乾侯

季孫隱如會晉荀欒于適歷

夏四月丁巳薛伯穀卒

晉侯使荀欒唁公于乾侯

春秋公羊

昭公

三十一

晉子書

和古

秋葬薛獻公

冬黑弓以濫來奔傳文何以無邾婁通濫也
 曷為通濫賢者子孫宜有地也賢者孰謂謂
 叔術也何賢乎叔術讓國也其讓國奈何當
 邾婁顏之時邾婁女有為魯夫人者則未知
 其為武公與懿公與孝公幼顏淫九公子于
 宮中因以納賊則未知其為魯公子與邾婁
 公子與臧氏之母養公者也君幼則宜有養

者大夫之妾士之妻則未知臧氏之母者曷
 為者也養公者必以其子入養臧氏之母聞
 有賊以其子易公抱公以逃賊至湊公寢而
 弑之臣有鮑廣父與梁買子者聞有賊趨而
 至臧氏之母曰公不死也在是吾以吾子易
 公矣於是負孝公之周愬天子天子為之誅
 顏而立叔術反孝公于魯顏夫人者嫗盈女
 也國色也其言曰有能為我殺殺顏者吾為

其妻叔術爲之殺殺顏者而以爲妻有子焉
謂之盱夏父者其所爲有於顏者也盱幼而
皆愛之食必坐二子於其側而食之有珍怪
之食盱必先取足焉夏父曰以來人未足而
盱有餘叔術覺焉曰嘻此誠爾國也夫起而
致國于夏父夏父受而中分之叔術曰不可
三分之叔術曰不可四分之叔術曰不可五
分之然後受之公扈子者邾婁之父兄也習

乎邾婁之故其言曰惡有言人之國賢若此
者乎誅顏之時天子死叔術起而致國於夏
父當此之時邾婁人嘗被兵于周曰何故死
吾天子通濫則文何以無邾婁天下未有濫
也天下未有濫則其言以濫來奔何叔術者
賢大夫也絕之則爲叔術不欲絕不絕則世
大夫也大夫之義不得世故於是推而通之
也

通濫爲國故使無所繫叔術者邾婁顏公之弟也孝公者不知邾婁外孫邾將妾子邪古者諸侯一娶九女二國勝之而邾婁一國并有九女於魯宮內者蓋所取於邾婁相通爲九人不必盡是一人妻矣則未知其爲魯公子與者爲內通於魯公子也弑弑臧氏子也不知欲弑孝公者納篡邪將利其國邪姬盈女者謂此姬是盈姓之

女殺顏者鮑廣父梁買子也有於顏爲顏公夫人時所爲顏公生也以來猶曰以彼物來置我前人夏父自謂也公扈子當夫子作春秋時於邾婁君爲父兄行者故故事也言叔術本欲讓道有誅顏天子在爾故天子死則讓無妻嫂惑見爭食之事何故死吾天子猶曰何故死畜吾天子乎以違生時命而立夏父故也此天子死則讓

之效也國未有口繫於人者若通濫是國
宜應特達何故文上無邾婁而已其口仍
繫邾婁言之天下未有濫者天下實未有
濫國春秋新通之爾故口繫於邾婁也絕
之絕濫於邾婁也推猶因也因就大夫竊
邑奔文通之則大夫不世叔術賢心下欲
自絕兩明矣

十有二月辛亥朔日有食之

三十有二年春王正月公在乾侯

取闕傳闕者何邾婁之邑也曷為不繫乎邾
婁諱亟也

與取濫為亟也二年之間此取兩邑故以
為亟而諱之矣

夏吳伐越

秋七月

冬仲孫何忌會晉韓不信齊高張宋仲幾衛

孫火公羊昭公

三十一 晉古婁

春秋傳

利丁本

世叔申鄭國參曹人莒人邾婁人薛人杞人
小邾婁人城成周
十有二月己未公薨于乾侯

春秋公羊傳昭公終

春秋公羊傳

漢 何 休 學

明 閔 齊 伋 裁 註

定公

元年春王傳定何以無正月正月者正即位
也定無正月者即位後也即位何以後昭公
在外得入不得入未可知也曷為未可知在
季氏也定哀多微辭主人習其讀而問其傳
春秋公羊定公

定公

春秋傳

則未知已之有罪焉爾

稽古樓

主人定哀也設使定哀習其經而讀之問其訓詁則不知已之有罪於是慎之至也

三月晉人執宋仲幾于京師傳仲幾之罪何不襄城也其言于京師何伯討也伯討則其稱人何貶曷為不與大夫專執也曷為不與實與而文不與文曷為不與大夫之義不得專執也

禮諸侯為天子治城各有分大凡襄城若今以草衣城也

夏六月癸亥公之喪至自乾侯戊辰公即位傳癸亥公之喪至自乾侯則曷為於戊辰之日然後即位正幣於兩楹之間然後即位子沈子曰定君乎國然後即位不日此何以日錄乎內也

正棺云者昭公死於外不得以君臣禮治

春秋公羊定

二 卷五

其喪故示盡始死之禮喪人五日嗣子大夫授杖已訖可以即位正其臣矣定君乎國定昭公之喪禮於國也錄乎內者詳錄內事善得五日變禮也

秋七月癸巳葬我君昭公

九月大雩

立煬宮傳煬宮者何煬公之宮也立者何立者不宜立也立煬宮非禮也

煬公春秋前公也

冬十月實霜殺菽傳何以書記異也此災菽也曷為以異書異大乎災也

異者可以為人戒也重異不重災君子所以貴教化而賤刑罰也

二年春王正月

夏五月壬辰雉門及兩觀災傳其言雉門及兩觀災何兩觀微也然則曷為不言雉門災

春秋公羊傳

三

卷之七

春秋傳

和古樓

及兩觀主者兩觀也時災者兩觀則曷為後言之不以及大也何以書記災也

雉門兩觀皆天子之制門為其主觀為其飾故曰

秋楚人伐吳

冬十月新作雉門及兩觀傳其言新作之何修大也修舊不書此何以書譏何譏爾不務乎公室也

務勉也

三年春王正月公如晉至河乃復

三月辛卯邾婁子穿卒

夏四月

秋葬邾婁莊公

冬仲孫何忌及邾婁子盟于枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭

春火公羊

定公

四

齊

伯許男曹伯莒子邾婁子頓子胡子滕子薛

伯杞伯小邾婁子齊國夏于召陵侵楚

夏四月庚

武蔡公孫歸姓帥師滅沈以沈子

嘉歸殺之

五月公及諸侯盟于浩油杞伯戊卒于會

六月葬陳惠公

作臯鮑成
二傳作成

傳

秋七月公至自會

劉卷卒傳劉卷者何天子之大夫也外大夫不卒此何以卒我主之也

劉卷即土會劉子召陵之經序之於上此言主之士會明矣

葬杞悼公

楚人圍蔡

晉士鞅衛北園帥師伐鮮虞

春秋公羊

定公

五

晉士鞅

春秋傳

卷之六

葬劉文公傳外大夫不書葬此何以書錄我主也

其實以主我恩錄之

冬十有一月庚午蔡侯以吳子及楚人戰于伯莒楚師敗績傳吳何以稱子夷狄也而憂中國其憂中國奈何伍子胥父誅乎楚挾弓而去楚以干闔廬闔廬曰士之甚勇之甚將為之興師而復讎于楚伍子胥復曰諸侯不

為匹夫與師且臣聞之事君猶事父也虧君之義復父之讎臣不為也於是止蔡昭公朝乎楚有美裘焉囊瓦求之昭公不與為是拘昭公於南郢數年然後歸之於其歸焉用事乎河曰天下諸侯苟有能伐楚者寡人請為之前列楚人聞之怒為是與師使囊瓦將而伐蔡蔡請教于吳伍子胥復曰蔡非有罪也楚人為無道君如有憂中國之心則若時可

春秋傳

定公

六

卷之六

矣於是興師而救蔡曰事君猶事父也此其為可以復讎奈何曰父不受誅子復讎可也父受誅子復讎推刃之道也復讎不除害朋友相衛而不相迫古之道也迫音峻

士之甚賢士之甚也與師必須因事者其義可得因公託私而以匹夫與師討諸侯則不免為亂矣故曰虧君之義若時若是時也不受誅罪不當誅也一往一來曰推

刃復讎不除害者取讎身而已不得兼讎子復將恐害己而殺之也同門曰朋同志曰友迫出表辭猶先也大司馬田獵習戰之時為表百步則一為三表又五十步為一表然則表者謂其戰時旅進旅退之限約迫者謂不顧步伍勉力先往之意不當先相擊刺者所以伸孝子之恩也是囊瓦出奔鄭

庚辰吳入楚圍吳何以不稱子反夷狄也其反夷狄奈何君舍於君室大夫舍於大夫室蓋妻楚王之母也

五年春王正月辛亥朔日有食之

夏歸粟于蔡圍孰歸之諸侯歸之曷為不言諸侯歸之離至不可得而序故言我也

離至義見襄五年冬戍陳傳

越入吳圍於越者何越者何於越者未能

以其名通也越者能以其名通也

越人自名於越君于名之曰越治國有狀能與中國通者以中國之辭言之曰越治國無狀不能與中國通者以其俗辭言之因其俗可以見善惡故云

六月丙申季孫隱如卒

大七月壬子叔孫不敢卒

冬晉士鞅帥師圍鮮虞

春秋公羊定公

八 晉古婁

春秋傳

卷下

六年春王正月癸亥鄭游邀帥師滅許以許男斯歸

二月公侵鄭公至自侵鄭

夏季孫斯仲孫何忌如晉

秋晉人執宋行人樂祁犁

冬城中城

季孫斯仲孫忌帥師圍運傳此仲孫何忌也曷為謂之仲孫忌譏二名二名非禮也

為其難諱也一字為名令難言而易諱所以長臣子之敬不逼下也春秋定哀之間文致太平欲見王者治定無所復為譏唯有一二名故譏之也

七年春王正月

夏四月

秋齊侯鄭伯盟于鹹

齊人執衛行人比宮結以侵衛

春秋公羊定公

九

齊下

齊侯衛侯盟于沙澤

大雩

齊國夏帥師伐我西鄙

九月大雩

冬十月

八年春王正月公侵齊公至自侵齊

二月公侵齊三月公至自侵齊

伯露卒

夏齊國夏帥師伐我西鄙

公會晉師于瓦公至自瓦

秋七月戊辰陳侯柳卒

晉趙鞅帥師侵鄭遂侵衛

葬曹靖公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

齊火公羊定公

從祀先公傳從祀者何順祀也文公逆祀去者二人定公順祀叛者五人

逆祀義見文二年躋僖公傳順祀者復文

公之逆祀也諫不從而去諫不以禮而去

曰叛不言從祀僖公而言先公者正以閔

公亦得其順是以不得特指之

盜竊寶玉大弓傳盜者孰謂謂陽虎也陽虎

者曷為者也季氏之宰也季氏之宰則微者

也惡乎得國寶而竊之陽虎專季氏季氏專

魯國陽虎拘季孫孟氏與叔孫氏迭而食之

賊而鉸其板曰某月某日將殺我于蒲圃力

能救我則於是至乎日若時而出臨南者陽

虎之出也御之於其乘焉季孫謂臨南曰以

季氏之世世有子子可以不免我死乎臨南

曰有力不足臣何敢不勉陽越者陽虎之從

弟也為右諸陽之從者車數十乘至于孟衢

臨南投策而墜之陽越下取策臨南駮馬而
 由乎孟氏陽虎從而射之矢著于莊門然而
 甲起於琴如弒不成却又舍于郊皆說然息
 弋曰弒千乘之主而不克舍此可乎陽虎曰
 夫孺子得國而已如丈夫何賊而曰彼哉彼
 哉趣駕既駕公斂處父帥師而至懂然後得
 免自是走之晉寶者何璋判白弓繡質龜青
 純賊音鶩 斂音侵 乘從音去 聲數上聲 駮
 本作撇 素動反 射音石 說音稅 懂音芹

鏡其板以爪刻其饋器之上斂藏衣物之
 蓋板於是於是時也臨南虎之外生或曰
 從其家出而仕於公也御之為季孫御也
 為右為季孫車右實衛之也孟衢孟氏衢
 四達可以橫去策馬捶也駮馬捶馬銜走
 也莊門孟氏所入門名甲公斂處父所帥
 也琴如地名二家知出期故於是時起兵
 說解舍也望見公斂處父師而曰彼哉再

言之者切遽意判半也半珪日璋白藏天子青藏諸侯魯得郊天故錫以白質拊也純緣也謂緣甲髯也千歲之龜青髯

九年春王正月

夏四月戊申鄭伯囁卒

得寶玉大弓傳何以書國寶也喪之書得之書

六月葬鄭獻公

秋齊侯衛侯次于五氏

秦伯卒

冬葬秦哀公

十年春王三月及齊平

夏公會齊侯于頰谷公至自頰谷

晉趙鞅帥師圍衛

齊人來歸運謹龜陰田傳齊人曷為來歸運

謹龜陰田孔子行乎季孫三月不違齊人為

定來歸之

孔子仕魯政事行乎季孫三月之中不見

違過

叔孫州仇仲孫何忌帥師圍郕

秋叔孫州仇仲孫何忌帥師圍費左穀俱作郕

宋樂世心出奔曹

宋公子池出奔陳

冬齊侯衛侯鄭游邀會于鞏

叔孫州仇如齊

宋公之弟辰暨宋仲佗石彊出奔陳

十有一年春宋公之弟辰及仲佗石彊公子

池自陳入于蕭以叛

夏四月

秋宋樂世心自曹入于蕭

冬及鄭平叔還如鄭莅盟

十有二年春薛伯定卒

水火公羊定公

夏葬薛襄公

叔孫州仇帥師墮郈

衛公孟彊帥師伐曹

季孫斯仲孫何忌帥師墮費傳曷為帥師墮

郈帥師墮費孔子行乎季孫三月不違曰家

不藏甲邑無百雉之城於是帥師墮郈帥師

墮費雉者何五板而堵五堵而雉百雉而城

郈叔孫氏所食邑費季氏所食邑二大夫

宰吏數叛患之以問孔子孔子曰陪臣執

國命采長數叛者坐邑有城池之固家有

甲兵之藏故也季氏悅其言而墮之八尺

曰板

秋大雩

冬十月癸亥公會晉侯盟于黃

十有一月丙寅朔日有食之

公至自黃

春秋公羊定公

丁有二月公圍成公至自圍成

十有三年春齊侯衛侯次于垂瑕

夏築蛇淵囿

大蒐于比蒲

衛公孟彊帥師伐曹

秋趙鞅入于晉陽以叛

冬晉荀寅及士吉射入于朝歌以叛

晉趙鞅歸于晉傳此叛也其言歸何以地正

國也其以地正國奈何晉趙鞅取晉陽之甲以逐荀寅與士吉射荀寅與士吉射者曷為者也君側之惡人也此逐君側之惡人曷為以叛言之無君命也

軍以井田立數古之制也假令天子六軍方伯二軍之屬皆以井田多少計出其數故曰軍以井田立數也今趙鞅以此井田之兵逐君側之惡人故云以地正國也

春秋公羊定公

十六晉下其

薛弒其君比

十有四年春衛公叔戌來奔

晉趙陽出奔宋

三月辛巳楚公子結陳公子佗人帥師滅頓

以頓子穀歸

夏衛北宮結來奔

五月於越敗吳于醉李吳子光卒

公會齊侯衛侯于堅公至自會

秋齊侯宋公會于洮

天王使石尙來歸賑傳石尙者何天子之士

也賑者何組實也腥曰賑熟曰燔

組實實組肉也

衛世子蒯聩出奔宋

衛公孟彊出奔鄭

宋公之弟辰自蕭來奔

大蒐于比蒲

定公

春不傳

邾婁子來會公

城莒父及霄

十有五年春王正月邾婁子來朝

鼯鼠食郊牛牛死改卜牛傳曷為不言其所

食漫也

漫者徧食其身災不敬也

二月辛丑楚子滅胡以胡子豹歸

夏五月辛亥郊傳曷為以夏五月郊三卜之

和古禮

運也

運轉也已卜春三正不吉復轉卜夏三月

周五月也得二吉故五月郊也易曰再三

瀆瀆則不告不得其事雖吉猶不當為也

壬申公薨于高寢

鄭軒達帥師伐宋

齊侯衛侯次于籧篨

邾婁子來奔喪傳其言來奔喪何奔喪非禮

春秋公羊定公

十八

禮記

也

秋七月壬申妣氏卒傳妣氏者何哀公之母也何以不稱夫人哀未君也

母以子貴未踰年不得稱公爾

八月庚辰朔日有食之

九月滕子來會葬

丁巳葬我君定公雨不克葬戊午日下昃乃克葬

辛巳葬定妣傳定妣何以書葬未踰年之君也有子則廟廟則書葬

哀未踰年也母以子貴故以子正之

冬城漆

春秋公羊傳定公終

春秋公羊傳

漢

何

休

學

明閔齊伋裁註

哀公

元年春王正月公即位

楚子陳侯隨侯許男圍蔡

麇鼠食郊牛改卜牛

夏四月辛巳郊

春秋公羊傳哀公

一 旨古樓

秋齊侯衛侯伐晉

冬仲孫何忌帥師伐邾婁

二年春王二月季孫斯叔孫州仇仲孫何忌

帥師伐邾婁取濶東田及沂西田癸巳叔孫

州仇仲孫何忌及邾婁子盟于句繹

夏四月丙子衛侯元卒

滕子來朝

晉趙鞅帥師納衛世子蒯聩于戚戚者何

衛之邑也曷為不言入于衛父有子子不得有父也

父得有子而廢之子不得有父之所有故奪其國文正其義也

秋八月甲戌晉趙鞅帥師及鄭駟達帥師戰

于栗鄭師敗績

冬十月葬衛靈公

十有一月蔡遷于州來蔡殺其大夫公子駟

春秋公羊

哀公

二

晉趙鞅

三年春齊國夏衛石曼姑帥師圍戚傳齊國
 夏曷為與衛石曼姑帥師圍戚伯討也此其
 為伯討奈何曼姑受命乎靈公而立輒以曼
 姑之義為固可以距之也輒者曷為者也蒯
 賁之子也然則曷為不立蒯賁而立輒蒯賁
 為無道靈公逐蒯賁而立輒然則輒之義可
 以立乎曰可其可奈何不以父命辭王父命
 以王父命辭父命是父之行乎子也不以家

事辭王事以王事辭家事是上之行乎下也

曰伯討者推曼姑得拒之則國夏宜討之
 矣辭猶不從也靈公命行乎蒯賁重本尊
 統之義也以父見廢故辭讓不立是家私
 事聽靈公命立是王事公法也

夏四月甲午地震

五月辛卯桓宮僖宮災傳此皆毀廟也其言
 災何復立也曷為不言其復立春秋見者不

春秋公羊

哀公

三

齊公

復見也何以不言及敵也何以書記災也

親過高祖親疏適等故曰敵

季孫斯叔孫州仇帥師城開陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾婁

四年春王三月庚戌盜弑蔡侯申傳弑君賊

者窮諸人此其稱盜以弑何賤乎賤者也賤

乎賤者孰謂罪人也

賤乎賤者賤於稱人者矣

蔡公孫辰出奔吳

葬秦惠公

宋人執小邾婁子

夏蔡殺其大夫公孫歸姓公孫霍

春火公羊哀公

晉人執戎曼子赤歸于楚傳赤者何戎曼子之名也其言歸于楚何子北宮子曰辟伯晉而京師楚也

直言晉侯執戎曼子歸于楚卽是伯者執人歸京師無異故各戎子以避之使若晉非伯執而赤微者自歸於楚爾

城西郭

六月辛丑蒲社災傳蒲社者何亡國之社也

社者封也其言災何亡國之社蓋捨之捨其上而柴其下蒲社災何以書記災也

蒲亡國之名天子滅之以封伯禽封土爲社也据封土非火所能燒故言其災何柴其下故得燒之也捨柴之者絕不得使通天地四方以爲有國者戒

秋八月甲寅滕子結卒
冬十有二月葬蔡昭公

春秋公羊

哀公

五

卷之十

春秋傳

稽古樓

葬滕頃公

五年春城比

夏齊侯伐宋

晉趙鞅帥師伐衛

秋九月癸酉齊侯處曰卒

冬叔還如齊

閏月葬齊景公傳閏不書此何以書喪以閏

數也喪曷為以閏數喪數略也

喪服大功以下諸喪當以閏月為數略猶

殺也言大功以下之喪所以得數閏月者

正以恩殺故也

六年春城邾婁葭

晉趙鞅帥師伐鮮虞

吳伐陳

自齊國夏及高張來奔

亦還會吳于柰

春秋公羊哀公

六 晉丁妻

秋七月庚寅楚子軫卒

齊陽生入于齊齊陳乞弑其君舍傳弑而立者不以當國之辭言之此其以當國之辭言之何為讓也此其為讓奈何景公謂陳乞曰吾欲立舍何如陳乞曰所樂乎為君者欲立之則立之不欲立則不立君如欲立之則臣請立之陽生謂陳乞曰吾聞子蓋將不欲立我也陳乞曰夫千乘之主將廢正而立不正

必殺正者吾不立子者所以生子者也走矣與之玉節而走之景公死而舍立陳乞使人迎陽生于諸其家除景公之喪諸大夫皆在朝陳乞曰常之母有魚菽之祭願諸大夫之化我也諸大夫皆曰諾於是皆之陳乞之家坐陳乞曰吾有所為甲請以示焉諸大夫皆曰諾於是使力士舉巨囊而至于中霤諸大夫見之皆色然而駭開之則闐然公子陽生

春秋公羊哀公

七

管古樓

陳乞曰此君也已諸大夫不得已皆逡巡北面再拜稽首而君之爾自是往弑舍

諛詐也節信也折王與陽生留其半為後當迎之合以為信防稱矯也于諸寘也齊人語也常陳乞子重難言其妻故云常之母化我義見桓六年傳彼以州公過魯而無禮謂之化我今此亦以魚菽之薄物枉屈諸大夫之貴重亦是無禮相過之義故

謂之化我也甲鎧也中央曰中霍色然驚

駭貌闖馬出門貌

冬仲孫何忌帥師伐邾婁

宋向巢帥師伐曹

七年春宋皇瑗帥師侵鄭

晉魏曼多帥師侵衛

夏公會吳于郟

秋公伐邾婁八月己酉入邾婁以邾婁子益

哀公

八

春秋傳

稽古樓

來傳入不言伐此其言伐何內辭也使若他人然邾婁子益何以名絕曷為絕之獲也曷為不言其獲內大惡諱也

諱獲諸侯故不舉重而兩書使若魯公伐而去他人入之以來者醇順他人來文

宋人圍曹

冬鄭駟宏帥師救曹

八年春王正月宋公入曹以曹伯陽歸傳曹

伯陽何以名絕曷為絕之滅也曷為不言其滅諱同姓之滅也何諱乎同姓之滅力能救之而不救也

吳伐我

夏齊人取讙及俾傳外取邑不書此何以書所以賂齊也曷為賂齊為以邾婁子益來也

俾二傳作闞

歸邾婁子益于邾婁

春秋公羊

哀公

九

信古樓

春秋傳

秋七月

冬十有二月癸亥杞伯過卒

齊人歸讜及僂

九年春王二月葬杞僖公

宋皇瑗帥師取鄭師于雍邱傳其言取之何易也其易奈何詐之也

夏楚人伐陳

秋宋公伐鄭

和古樓

冬十月

十年春王二月邾婁子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

春秋公羊 哀公

十 晉古樓

衛公孟彊自齊歸于衛

薛伯寅卒

秋葬薛惠公

冬楚公子結帥師伐陳吳救陳

十有一年春齊國書帥師伐我

夏陳袁頗出奔鄭

五月公會吳伐齊甲戌齊國書帥師及吳戰

于艾陵齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年春用田賦傳何以書譏何譏爾譏

始用田賦也

田謂一井之田賦者斂取其財也言用田

賦者若今漢家斂民錢以田為率矣

夏五月甲辰孟子卒傳孟子者何昭公之夫

春秋公羊

哀公

十一

信可樓

人也其稱孟子何諱娶同姓蓋吳女也

公會吳于橐臯

秋公會衛侯宋皇瑗于運

宋向巢帥師伐鄭

冬十有二月蠓傳何以書記異也何異爾不時也

十有三年春鄭軒達帥師取宋師于岳傳其言取之何易也其易奈何詐反也

前宋行詐取鄭師今鄭復行詐取之苟相

報償故言詐反反猶報也

夏許男戍卒

公會晉侯及吳子于黃池傳吳何以稱子吳主會也吳主會則曷為先言晉侯不與夷狄之主中國也其言及吳子何會兩伯之辭也不與夷狄之主中國則曷為以會兩伯之辭言之重吳也曷為重吳吳在是則天下諸侯

春秋公羊

哀公

十二

晉古其

莫敢不至也

時吳疆而無道敗齊臨菑乘勝大會中國齊晉前驅魯衛駟乘滕薛挾轂而趨恥甚不可忍言故深為諱辭晉序上者主會文也吳言及者亦人往為主之文

楚公子申帥師伐陳

於越入吳

秋公至自會

晉魏多帥師侵衛傳此晉魏曼多也曷為謂之晉魏多譏二名二名非禮也

復就晉見者明先自正而後正人正人當先正大以帥小

葬許元公

九月蠲

冬十有一月有星孛于東方傳孛者何彗星也其言于東方何見于日也何以書記異也

季火公羊哀公

十三 晉古樓

日方出時宿不復見故言東方知為日

盜殺陳夏彊夫

十有二月蠓

十有四年春西狩獲麟傳何以書記異也何異爾非中國之獸也然則孰狩之薪采者也薪采者則微者也曷為以狩言之大之也曷為大之為獲麟大之也曷為為獲麟大之麟者仁獸也有王者則至無王者則不至有以

告者曰有麇而角者孔子曰孰為來哉孰為來哉反袂拭面涕沾袍顏淵死子曰噫天喪予子路死子曰噫天祝予西狩獲麟孔子曰吾道窮矣春秋何以始乎隱祖之所逮聞也所見異辭所聞異辭所傳聞異辭何以終乎哀十四年曰備矣君子曷為為春秋撥亂世反諸正莫近諸春秋則未知其為是與其諸君子樂道堯舜之道與末不亦樂乎堯舜之

知君子也制春秋之義以俟後聖以君子之為亦有樂乎此也

叔孫氏之車子鉏商樵于野而獲麟焉以為不祥棄之五父之衢冉有告孔子曰有麋肉角豈天下之妖乎夫子曰今何在吾將觀焉遂往謂其御高柴曰若求之言其必麟乎到視之曰今宗周將滅無主孰為來哉茲日麟出而死吾道窮矣乃作歌曰

唐虞之世麟鳳遊今非其時來何由麟兮麟兮我心憂得麟之後天下血書魯端門日趨作法孔聖沒周姬亡彗東出秦政起胡破術書記散孔不絕子夏明日往視之血書飛為赤鳥化為白書署曰演孔圖中有作圖制法之狀演孔圖云獲麟而作春秋九月書成祝斷也則未知云者謙不敢斥言也末不亦樂乎云者何注以為末不

亦樂後有聖漢受命而王德如堯舜者知孔子之制作也疏解云孔子之道既與堯舜雅合故得與堯舜相對爲始末然則指孔子言不亦也堯舜預知有已而制道術已亦預制春秋以授後人是孔子亦愛慕堯舜之知君子而效之爾以君子之爲云者謂孔子所以作春秋亦樂此春秋之道可以永法故也

哀公終

